



Cussegliera federala Doris Leuthard durant ses pled.

FOTOS SOMEDIA



In attent auditori duront l'intervista da David Sieber cun Doris Leuthard.



Il «New Desk» - il cor da la convergenza e da la nova chasa da medias.



Ils giasts han sa laschè infurmar davart ils andaments da produziun.



En l'emprima retscha da san. il schef operativ Andrea Masüger, cussegliera federala Doris Leuthard e l'editur Hanspeter Lebrument.

Blera prominenz a l'avertura

Avertura da la chasas da medias da Somedia cun cussegliera federala Doris Leuthard

■ (mc) A l'invitaziun per l'avertura da la chasa da medias Somedia ha numerusa prominenz da politica, medias e ed economia prendi part. Tranter quels era cussegliera federala Doris Leuthard sco oratura. La regenza grischuna è stada represchentada tras il minister d'economia *Jon Domenic Parolini*. Ordvart bain represchentada è era stada la delegaziun grischuna en il parlament federal e quai cun ils cussegliers dals chantuns *Stefan Engler* e *Martin Schmid*, ils cussegliers nazionals *Martin Candinas*, *Hansjörg Hassler*, *Josias Gasser* e *Silva Semadeni*. Da la partida è era stada la candidata da pps per il cussegl nazional *Magdalena Martullo-Blocher*. Preschents èn plinavant stads il parsura da la pld *Bruno Claus* ed il parsura da la pbd *Andreas Felix* sco era ils schefs da fracziun *Marcus Caduff*, *Andreas Thöny* e *Gian Michael*.

Da las medias eran represchentads la directura da l'Associaziun da medias svizras *Verena Vonarburg*, il schefredactor da «Schweiz am Sonntag» *Patrik Müller* ed il schefredactor da la «Argauer Zeitung» *Christian Dorer* e ses editur *Peter Wanner*. Tranter ils schurnalists han ins chattà *Hannes Britschgi* e *Helen Issler* e blers auters. Ils turitichers eran represchentads cun *Reto Gurtner*, *Hanspeter Danuser* ed *Ernst Wyrtsch*, la Scol'auta per tecnica ed economia cun il parsura *Ludwig Locher*, il manader da l'Institut da medias *Ruedi Müller-Beyeler* ed il rector *Jürg Kessler*.

Agir a moda convergenta

L'editur Hanspeter Lebrument ha cuntradi a vuschs nauschas che pretendan magari ch'ils editurs dettian dapli paisa a la realisaziun da bels edifizis che a la qualidad da lur products. Fin quà producevia la Somedia en tshintg lieus, quai che avevia dischavantatgs tant per la qualidad sco per la rentabilitad. Cun reunir redacziuns da gasettas, radio, televisiun ed online en in lieu possian ins lavurar a moda convergenta nizegiend sinergias cun curtas vias da comunicaziun. La planisaziun da la chasa saja succedida cunzunt tras agens collavuratur, cunzunt schurnalists e managers cun gronda experienza schurnalistica ed economica, cun in bun architect e technichers intelligents. La nova chasa da medias possibiliteschia da migliurar la qualidad da las medias regiunalas, dentant era da stgaffir novs products e supassar ils cunfins regional, ha ditg Hanspeter Lebrument.

Il scop da questa chasa saja ina cooperaziun intensiva tranter perscrutaziun applitgada, scolaziun mediala, activitad schurnalistica e commerciala en la produziun e repartiziun da products medials e communicativs. Lebrument renconuscha dentant era che pir las concessiuns da radio e televisiun hajan stgaffi la basa per realisar ina chasa da medias privata ed independenta ed in sistem da medias convergent en ina regiun muntaignarda. El recumonda era da sustegnair

la revisiun da lescha da radio e televisiun che vegn proximamain en votaziun.

Famiglia da medias Somedia

Il schef operativ Andrea Masüger accuescha ch'ins haja nizegià la midada en ina chasa nova era per reunir da nov las differentas marcas da gasettas, radio, televisiun ed online en ina cuminaivla. Las differentas redacziuns lavurien communablamain en in «News Desk». Las redacziuns nizegian uschia las sinergias e la savida cuminaivla per realisar products che sa distinguian tras lur fermezzas spezificas e daventian uschea pli interessantas.

Malgrà quai n'hajan ins betg emblidà ils singuls products e las singulas marcas, ha accentuà Masüger. Era il «Bündner Tagblatt», La Quotidiana, la «Bündner Woche», la «Glarner «Woche», «Ruinaulta» ed autras gasettas localas, las periodicas e.a.v. vegnian a mantegnair vinvant lur atgnadads. La finala sajan dentant era las ulteriuras partiziuns sco finanzas e personal, tecnica e mantegniment e.u.v. che procurian per il bain funcziunar da l'interpresa.

En ina intervista ha cussegliera federala Doris Leuthard dà pled e fatg al schefredactor *David Sieber*. *Susanne Lebrument* ha validà carriera e merets da ses bab. *Andrea Masüger* han intervistà *Christian Rusch* che ha scrit la biografia da Hanspeter Lebrument.



Famiglia Lebrument: da san. Pesche Lebrument, Hanspeter Lebrument, Susanne Lebrument e Silvio Lebrument.